

Per tuttas cuntradas rumantschas

La Fibla per Chasper, Giatgen, Onna, Ursina e Duri

DA CLAUDIA CADRUVI / ANR

■ En duas emnas cumenzan 23 vischnancas cun l'instrucziun en rumantsch grischun. Ils scolasts da las classas da pionier han dacurt retschavi il nov med d'instrucziun. Nov è betg sulet che la fibla è scritta en rumantsch grischun. Nov è era ch'ina fibla rumantscha cuntegna elements culturals da la Surselva, da Schons, dal Surmir, da l'Engiadina e da la Val Müstair. Il team da project che ha elavurà la fibla sut la batgetta da Giancarlo Conrad ha mess sin maisa in cudesch adequat a noss temp. Las illustraziuns e la cumposiziun da fotos e texts fan gust da sfegliar. Ins chatta elements usitads, sco per exempel il bustab «E/e» ch'ìls uffants emprendan bunamain en l'entira Europa cun il pled «elefant2. Lura datti elements fitg grischuns, sco per exempel il bustab «J/j» ch'ìls scolars pon emprendre en la fibla cun «Jon Janett da Sent e Julia Jacomett da Tujetsch».



Illustraziun d'Annalis Vieli-Gritti en la nova fibla rumantscha.

FOTO C. CADRUVI / ANR

En l'ultima part dal cudesch chattan ins poesias, legendas e versets per part surpigliads dals idioms.

La fibla porta il num «Passins». Cun pitschens pass emprendan ils scolars in bustab suenter l'auter, in zigt a la giada detagls da las autras

vals rumantschas e plaunsieu rumantsch grischun.

➤ PAGINA 2